



5. maj 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

- 1. Naalakkersuisut uppersarsinnaanerlugu, misissuineq Kalaallit Nunaanni Naatsorsueqqissaartarfiup suliarisimasaa siorna decemberimili piareeqqasoq uninngati-innarneqarsimasoq, misissuinerlu piareeqqareeraluartoq saqqummiunneqarsimanngisaannartoq?**
- 2. Aningaasaqarnermut Akileraarnernullu Naalakkersuisup, taassuma naalakkersuisoqarfiata imaluunniit Naalakkersuisuni ilaasortat arlaatigut pinngitsoortiniarsarisimavaat imaluunniit kinguarsarniarsarisimavaat misissuinerup pineqartup tamanut saqqummiunneqarnissaa?**
- 3. Taamaassimangippat: Aningaasaqarnermut Akileraarnernullu Naalakkersuisup Kalaallit Nunaanni Naatsorsueqqissaartarfimmut erseqqissaatigissamaanerlugu, Kalaallit Nunaanni Naatsorsueqqissaartarfik pisussaaffeqarmat ilisimatusarnermi paasisaminik tamanut saqqummiussissalluni, tamannalu pisartussaasoq paaarnerpaamik kiisalu soorunami pisussaaffik tamanna pisartussaasoq, ilisimatusarnermi paasisat Naalakkersuisunut qanorluunniit nuanniitsigigaluarpata?**

(Inatsisartunut ilaasortaq Nivi Olsen, Demokraatit)

Tungavilersuut

AG-mi ulloq 26. april atuarneqarsinnaalerpoq, Kalaallit Nunaanni Naatsorsueqqissaartarfiup misissuineru ukioq kingulleq decemberimili naammassineqartoq ulloq manna tikillugu sulis saqqummiunneqarsimanngitsoq.

AG naapertorlugu misissuinerup takutippaa inuiaqatigiit kalaallit ukiut tamaasa 400 millioner koruuninik annaasaqartartut aalisarnerup aalisakkeriveqarnerullu iluani suliffiit 430-t attatiin-



narnissaat piinnarlugu. Suliffissaqartitsiniarnermut tunngasut aalisarnermut politikki aqutigalugu sinerissamut qanittumi aalisarnerup iluani, tulaasissussaatitaanerup iluani aamma najuk-kami suliarinneqqaartussaatitaanerup iluani isumagineqartut taamaasilluni inuiaqatigiinnut aningaasartuutaasarput ukiumut 1 mio. koruunip missaani sulisumut ataatsimut, pissutaalluni aalisarnermut politikkip maannakkut atuuttup suliffissaqartitsiniaannarluni atatitsinera.

Taava imminut aperivunga misissuineq naammassereerluni decemberimili uninngatinneqarsimasoq qanoq ililluni tamanut saqqumiunneqarani uninngatinneqarsimasinnaanersoq.

Kalaallit Nunaanni Naatsorsueqqissaartarfik pillugu inatsisartut inatsisaata § 4-raani aalajangersarneqarnikuvoq Kalaallit Nunaanni Naatsorsueqqissaartarfik pisussaasoq ilisimatusarnermini paasisami inernerinik saqqummiussissalluni. Taamatut pisussaaffeqarneq soorunami aamma atuuppoq aamma pineqartillugit ilisimatusarnerup ineneri, pissarsiarineqarsimasut politik-kikkut Naalackersuisunut nuanniissinnaasut.

Kalaallit Nunaanni Naatsorsueqqissaartarfiup tatiginarlunnaqqissaarneranut apeqqutaavoq, suliffiip Naalackersuisunit sunnerneqannginnissaa illersorneqarnerasoq. Naalackersuisunut ilaasortap Kalaallit Nunaanni Naatsorsueqqissaartarfik pillugu Inatsisartut inatsisaannik tunngaveqarani Kalaallit Nunaanni Naatsorsueqqissaartarfiup siulersuisuini ilaasortat ilaannik ikerinnakkut soraarsitsinikuutillugu uanga pisariaqarluinnartutut isigaara uppernarsartissallugu ilumut Naalackersuisut Kalaallit Nunaanni Naatsorsueqqissaartarfiup suliaanut akuleruttussaati-taannginnerat tamakkiisumik ataqqineqarsimanersoq.

Kisimiigunanngilanga.

Qulaani apeqqutikka aqutigalugit taamaattumik kissaatigaara (aamma Naalackersuisut pillugit) Naalackersuisoq periarfissinniarlugu ministeritut akisussaaffimminut ilumoorluni uppernarsasagaa, nammineq, naalackersuisoqarfigisap imaluunniit Naalackersuisut allat misissuinerup inernerisa tamanut saqqummiunneqarnissaannut pinngitsoortitsiniarsarisimannigitsut imaluunniit kinguarsaaniarsarisimannigitsut.



DEMOKRAATIT
DEMOKRATERNE